

七克自序

人生百務不離消積兩端凡所為修者消舊積新之謂也  
聖賢規訓萬端總為消惡積德之藉凡惡乘乎欲然欲本  
非惡乃上帝賜人存護此身輔佐靈神公義公理之密  
伴人惟汨之以私乃始罪罟萬狀諸惡振焉此根潛伏于  
心上而欲富欲貴欲逸樂三巨幹勃發於外幹又生枝欲  
富生貪欲貴生傲欲逸生饕生淫生怠其或以富貴逸樂  
勝我即生妬奪我即生忿是故私欲一根也欲富欲貴欲  
逸樂幹也而生傲生貪生饕生淫生怠及妬忿枝也種種  
罪詵非義之念慮言動七枝之結為實披為葉也地獄之

火此樹薪之故曰去私欲而獄少自無矣世間疾憂患亂  
身心不寧皆由食此樹之實而作者拔此樹于世而人皆  
天神也視人如已視死如歸天堂境界豈遠乎哉然而克  
欲修德終日論之畢世務之而傲如忿淫諸欲卒不見消  
謙仁貞忍諸德卒不見積其故云何有三蔽焉一曰不念  
本原二曰不清志嚮三曰不循節次夫世之傲然自是者  
咸謂修德克欲之力量我自能之不知自有生來但有一  
念提醒莫非 天主上帝賜我者富貴壽安微斯言之福有  
一隙之明者皆知出于 上帝而克欲修德最難劇務妄  
自認爲已能謬執甚歟如知力量悉從 上帝而出具於

必事祈禱自不容已迨德成欲克皆認 帝賜也彼謂我  
自能之不緣 帝力乃由傲魔所中忘却本原冥悖自是  
聞諛則沾沾自喜稍拂則謂非所應遇而怨尤不已此其  
所修何德哉凡人善惡係於所志有善業而無善志猶人  
形而無靈神非人徒人形耳輕舟利車濟人於難而人不  
賞其功何者舟車有功而無濟人之志耳修德克欲者惟  
是蠲潔其一心以媚茲 上帝其志足貴也次則志羨天  
德之美也次則志在乎生身淨心之樂而身後獲見 天  
帝與神聖耦也若修德而雜之以富貴榮名世福之望則  
所修非德乃修他欲而襲德貌耳非以德攻欲乃以欲攻

欲耳舊欲未去新欲且增墊焉夫德所至忌世福之美也  
祛欲者所攻正攻此羨世福之俗腸有所攻以積德又操  
所忌以毀之德烏乎成故志嚮不可不清也凡有志修德  
者必曰吾必使無絲毫人欲之私語甚美矣第言之易也  
行之難也一言而盡百年不能迄攻一欲難於勝一國矧  
併攻諸欲乎且德之初修也甚微甚弱而欲之初受攻也  
方鉅方強以微弱之德攻鉅強之欲意徒銳而欲彌增旋  
廢業而反受其害夫克私欲如拆舊屋也先拆址者室復  
材破人受壓焉先拆甍簷者漸至於柱礎則材與人不傷而  
功易奏是以克欲者須一一別攻之始于易小俟德力滋

鉅矣乃始漸進於難且大者以漸滋致精道路更穩如通  
于函易于碍墜故曰進德如升梯謹行勿奔奔必隕不控  
于地不已矣亟修而無度非自恃而凌躡即速勸而委頓  
耳此不循節次之咎也迪我八萬里外異國之旅番荷

天主靈慈悟此世福至暫至微匪堅匪駐轉思身後實具  
永年提福爰從耶穌會教習聞豪傑光闡之旨正己化俗  
憫夫邪說充塞不知 天主為人物真主不思天堂有真  
修捷路乃偕數友東來九死一生涉海三載而抵中華中  
華語言文字迥不相通苦心習學復似童蒙近稍曉其大  
略得接講論竊見有志儒賢多務修德克己之功同方合

志萬里非總弟緣三者之蔽隔遠未一因繹所問及所管  
闕一二以資印可夫人心之病有七而瘳心之藥亦有七  
要其大旨總不過消舊而積新積之之極以積永樂永慶  
消之之極以消永苦永殃焉諄諄箴勗良費辭說蓋緣人  
心如口也口各喜其味故饌各投其喜德一而已衆言錯  
陳固析俎之不一嚮也惟嗜者之所染指如曰支離其辭  
以支離其德則迪我烏乎敢焉

萬曆甲寅孟冬望日龐迪我題

